

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Sarfanguani innuttaasunik ataatsimiisitsineq

10. maj 2015 nal. 11.00-14.00

18-it missaat takkupput

Inersuarmit apeqqutit

Bjarne Hauthøner:

Nunarsuarmi aatsitassarsiorneq aatsitassallu misissoraanni arlalippassuit Afrikamiipput. Tamaani pisat Afrikami atugaaneq ajorput, nunarsuarmili sumiiffinni allani. Kingunerisat assut amiilaarnarput. Aningaasanit ikittuaraannaat nunamiittarput. Royalty aamma naleqassutsit annitat akornanni pissutsit naammaginarpuuppat?

Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:

Afrikami pissutsit taamaattuunerat eqqortuuvoq. Taamaattumik royaltynik eqqussuinissaq Naalackersuisut sakkortuumik sulissutigisimavaat, taamaalilluta iluanaarutissat ilaannik pissarsinissarput qulakkiissagatsigu. Siusinnerusukkut sinneqartoorutinit taamaallaat akileraarutinit pissarsisoqartarsimavoq. Royaltyp eqqunneratigut aatsitassanit atortussiassanillu, tunisassiarisamit ingerlatseqatigiiffiullu sinneqartoorutaanit pissarsiaqarnissarput periarfissaalersimavoq. Tamannali ingerlatseqatigiiffimmut artukkersuutaassangilaq, taamaattumillu oqimaaqatigiissoqartariaqarpoq. Aammattaq niuerfiup ingerlanneratigut iluaqutissartaqartariaqarpoq, aammattaarli nunatta karsiata isertitaqartuarnissaa qulakkeertariaqarparput.

Borgmesteri Hermann Berthelsen:

Oqaluttuarisaanermi kingumut qiviaraanni taamaallaat inunnut akileraarutitigut isertitaqartoqarsimavoq. Aatsitassarsiarpianiit pissarsiaqarata. Maannakkut aatsitassap nunamit anninnerani akitsuut 2,5 %-iuvoq. Danmarkimi naalagaaffinni amerlasuuni ingerlatseqatigiiffiit, soorlu Coca Cola, annertuunik sinneqartoortarput, sinneqartoorutaasulli nunamit aallarunneqartarput. Akitsuuteqartitsillutalu akileraaruteqartitsissaagut.

Jens Enoksen:

Nunatsinnit aatsitassanik siulliullutik annissisut Kalaallit Nunaannut sunniuteqartitsinngillat. Ilissi tutsuiginartuuisi? Ilissimi isertitassinnik takusaqarsinnaanaviangilagut.

Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Royalty eqqunneqarmat assut oqallittoqarpoq, sinneqartoorutaannilli pissarsinissarput tassuuna qulakkeerniarneqarpoq.

Aammattaarli sapinngisamik tunisassiornerpiaq Kalaallit Nunaanni ingerlanneqartassasoq Aatsitassanut inatsimmi allassimavoq, taamaalilluni aatsitassat kisiisa pissariariniarneqassanatik.

Nunami tunisassiortoqarpat suliffinnik suli amerlanerusunik tamanna pilersitsissaaq, taamaattumillu inatsimmi taamatut allassimasoqarpoq. Tunisassiornerpiarli sumi pissava? Soorunami aamma aningaasartuuteqarnernut tunngassuteqarpoq. Tunisassiornermut sulisartoqassanerput tamatigut nalilersortassavarput, tamatigummiunami maani tunisassiortoqartassanngilaq. Taamaattorli sapinngisamik annertunerpaamikunami maani tunisassiortoqartassasoq kissaatigaarput.

Royalty eqqupparput. Nunamili aatsitassanik suliarisat kajungernassuseqassapput, taamaattumillu akitsuutit annertussusissaa isumaliutigiuartussaavarput. Hudson Resources tatiginassuseqarneranut tunngatillugu oqarsinnaavunga maannakkut ukiuni 13-ini suleqatigisimallutigit. Taamaattumik ukiut 13-it ingerlanerini suleqatigiinnerput tunngavigalugu taakkununga tatiginnippugut.

Hudson Resourcesimit Rune Keiler:

Royalteqassasoq akuersaarparput. Tamanna ajornartorsiutissaqartinnngilarput.

Aatsitassarsiorfinni, aamma royalty aqqutigalugu, Kalaallit Nunaannut siullertut aningaasanik tunisisinnaassanerput neriuutigaarput.

Jens Enoksen:

Oqaatsigut sunik piumasqaateqassavisi?

Hudson Resourcesimit Rune Keiler:

Kalaallinik amerlasuunik sulisoqartussaassagatta kalaallit oqaasii pingaarnarpaassapput. Kisianni maskiinanut assingisaannullu isumannaallisaanikkut piumasqaatit ilitsersuutillu danskisut tuluillu oqaasiinik atuissapput. Aatsitassarsiorfimmil oqaatsinik ilinniartitsissaagut, taamaalillutik aatsitassarsiorfimmil tunngavioqarput oqaaserisartakkat ilinniassammatigit. Tunngaviatigullu aatsitassarsiorfimmil oqaatsit tassaassapput kalaallisut aamma danskisut.

Karen Najaaraq Sakæussen:

Suliffeqarfinni ajutoortoqarsinnaavoq, taamaattumillu peqqinnissap tungaatigut suliassaqarfimmil sunik pilersaaruteqartoqarnerisut tusarusuppara.

Hudson Resourcesimit Rune Keiler:

Isumannaallisaaneq assupilussuaq pingaartuuvoq. Aatsitassarsiorfimmil sulineq ulorianarsinnaavoq, maskiinarujussuaqassarmi. Atorfinititsinermi inuit suleqatigillutillu paaseqatigiissinnaanissaat pingaartuussaaq. Napparsimasunik ikiuisartoqassaaq ulluinnarni suliassanik isumaginittussamik. Ajornartorsiutini annertuuni Kangerlussuarmi

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

annaassiniutitut qulimiguuleqarpoq. Neriutigaarali annertuumik ajortoortoqanngisaannassasoq.

Ludvig Sakæussen:

Naajaat imaluunniit Qaqortorsuaq uagutsinnut qanittuupput. Aallartinnerani ukiumut 200 tonsit aaneqartarnissaat, siunissamullu tunngatillugu 500 tonsit pilersaarutaavoq.

Ukiopassuarni Kangerlussuup Sisimiullu akornanni aqqusinniortoqarnissaq pilersaarutaasimavoq, sanaartornerlu sulii aallartinneqanngilaq. Aqqusineq pillugu pilersaarummut aatsitassarsiorfik qanoq pingaaruteqarsinnaava? Aatsitassarsiorfiup Kangerlussuullu akornanni aqqusineqarsinnaanerpa?

Hudson Resourcesimit Rune Keiler:

Aqqusineq atussanngilarput, akunnermiliuppormi qaqqarujussuaq. Kangerlussuarmut aqqusinniornissamik pilersaaruteqanngilagut.

Borgmesteri Hermann Berthelsen:

Sumiiffimmi amerlanernik ingerlatseqatigiiffinnik isertitaqartuusunik peqalerpat isertitat annertusisat ilutigalugit aqqusinniorsinnaavugut.

Ullut qulit qaangiuppata IBA-mik isumaqatigiisummut tusarniaasitsisoqassaaq, ilaatigut Sarfannguanut iluaqutaasinnaasumik imaqarsinnaasumik. Assersuutigalugit aningaasaateqarfiit, soorlu Qeqertarsuatsiaat eqqaani rubinisiorfimmi pigisaattut ittit. Aningaasaateqarfiit timersornermut, ilinniartitaanermut, kultureqarnermut allanulluunniit atornerqarsinnaapput. Tamatumunnga siunnersuuteqarnissarsi neriutigaarput.

Pinngortitamut, Avatangiisinut Inatsisinillu Atuutsitsinermut Naalakkersuisoq Mala Høy Kúko:

Aatsitassarsiorfimmut kalaallit nerisassaataat pilersuutigineqassapput, tamaanimi sulisartoqassaaq kalaallinik. Nerisassat nunaqarfinnit pilersuutaasinnaapput. Piniartarfiit eqqaanni qanoq mianersortigisoqarnissaq pillugu paasisitsiniuteqassaaq. Saniatigut annertuumik inunnik angallassisoqartassaaq, taarseraallutimmi sulisartussaapput. Apeqqutaalerpoq qanoq akulikitsigisumik taarseraallutik sulisassanersut.

Borgmesteri Hermann Berthelsen:

Kangerluup iluanut pulaniartilluni aatsitassarsiorfiup eqqaani orsersortoqarsinnaanissaq Kangaamiuni innuttaasunut pingaartuusimavoq. Saniatigut tamaani oqarasuaatinik angallattakkanik atuisinnaalersoqartillugu attaviliinissaq Hudson Resourcesip sulissutiginiarpaa.

Hudson Resourcesimit Rune Keiler:

Periarfissanik sorlernik peqarnerluta misissuisoq Tele Greenland suleqatigaarput. Immaqa oqarasuaatinik angallattanik attaveqalersilluta repeaterstationimik ivertitsisoqarniarpoq.

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Qanoq annertutigisumik attaveqalersitsinnaanissaa ilisimangilara, tamannali annertunerusumik isumannaallisaataassaaq.

Ajutoortoqarfinni orsersortitsinnaarusuppugut. Orsussamik tunisisinnaanerput paasilluarniartussaavarput, taamaaliorusuppugulli. Taamaattorli dankortinik atugaqartitsinnaassanngilagut.

Pinngortitamut, Avatangüisunut Inatsisinillu Atuutsitsinermut Naalakkersuisoq Mala Høy Kúko:

Aammattaaq tammaarsimaffimmi aallaasit oqaluuserineqarput, isumannaallisaanerli pissutigalugu malittarisassiaqarput.

Jens Enoksen:

Uumasunut piniagassanut tunngatillugu, tamaani qaartiterinernit il.il. nipiliortoqalerpat nuussortiternissaat naatsorsuutigisariaqassaaq?

Ole Geertz-Hansen, Pinngortitaleriffik:

Sumiiffimmi 5 km-it iluini tuttut ikinnerunissaat naatsorsuutigaarput. Taamaattoqassanerali kikkut tamarmik nakkutigissallugu soqutigissagunarpaat, isumaqanngilangali annertuunik ajornartorsiorfimmisasoq. Najukkami sunniuteqartoqassaaq. Uumasulli tassanerpiaq nassaarinngikkaanni sumiiffimmi allami nassaarineqarumaarput.

Gudmundur Severinsson:

Sulinermut piffissarititaq, qanoq sivilisutisumik sulisartut taakaniittassappat?

Hudson Resourcesimit Rune Keiler:

Tamakkivillugu aalajangersimaneqanngilaq, ullormilli suliffiusumik nal. akunnerinik 12-inik sivilisussusilimmik ingerlatsiniarpugut, aatsitassarsiorfimmilu sapaatit akunneri pingasut, sapaatit akunnerinilu marlunni sulinngiffeqarluni – aallaavittut. Pingaarnerusorli tassaassaaq inunnik asimi tinnaalinngitsunik nassaarinninniarnissaaq.

Karen Najaaraq Sakæussen:

Meeraqarlutillu ilaqutaqartut, aatsitassarsiorfimmiiinnaappat, imaluunniit kisermaaginnaassappat?

Hudson Resourcesimit Rune Keiler:

Naagga, aatsitassarsiorfimmii ilaqquttat ilagineqarsinnaanngillat. Taamaallaat sulisartut tassaneeqqusaapput.

Thora Olsen:

Marloqiusanik taarseraattartoqassava?

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Hudson Resourcesimit Rune Keiler:

Qaartitalutalu umiarsualivimmu ujaqqat assartornerini suleqatigiussapput – kisianni ullukkuinnaq.

Suliffissuarmili umiarsualivimmilu marloqiusanik taarseraattartoqassaaq.

Borgmesteri Hermann Berthelsen:

Taarseraannerup qanoq pisarnissaa nassuiarneqarsinnaava?

Hudson Resourcesimit Rune Keiler:

Angallatit Sisimiuni, Sarfannguani, Itillimi Maniitsumilu sulisartunik aallertartussat misissorpagut. Angallanik suliaasaqarfik taanna aamma neqeroortitsissutaasinnaavoq.

Gudmundur Severinsson:

Qaqugu suliaqarneq aallartissava?

Hudson Resourcesimit Rune Keiler:

Ingerlatseqatigiiffik aallartinnissamut piareeqqavoq, aqquusaqqaagassatsinnilli ingerlassasaqarpoq. Aasap kingorna immaqa akissutisissaagut, taavali suliaasaqarfiusoq ukiormannamut naareersimassaaq. Aasap kingorna akuersaartumik akissutisissagutta 2016-imi upernaakkut aallartissinnaavugut.

Pinnortitamut, Avatangiisinut Inatsisinillu Atuutsitsinermut Naalakkersuisoq Mala Høy Kúko:

Kikkut sulinermi atisanik pilersuissappat? Aammalu aasaanerani ukiuuneranilu atisat qanoq ittuussappat?

Hudson Resourcesimit Rune Keiler:

Suliffimmik nassuiaammi, taanna saqqummiunneqarpat tamakku nassuiarsimaneqassapput. Aallaaviatigut isumannaallisaanermi atorussat pilersuutigaaqut. Napparsimmavinnit ungasissumiippugut, taamaattumik isumannaallisaaneq pingaartuuvoq. Pilersuutigissavagut kamippaat, qoqernaveeqqutit, niaqorornaveeqqutit il.il.

Borgmesteri Hermann Berthelsen:

Aatsitassarsiorfimmil suliaqarnissamik soqutiginnittunik inunnik ilisimasaqarpisi?

Ludvig Sakæussen:

Ammarneqarpat aatsitassarsiorfimmil sulinissamik inuit soqutiginnilernissaat qularutiginnilara, qanittumiippormi. Nunaqarfimmu manna tikillugu paasisutissarpassuarnik takkuttoqarsimanngilaq, maannakkulli paasisitsiniaaneq aallartimmat sulil annertunerusumik paasisitsiniaanissap sulissutiginnissaa naatsorsuutigineqarsinnaavoq. Sammisaaq pillugu annertuumik oqallittoqarsimanngilaq.

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqquutit akissutillu

Neriuppunga soqutiginnineq annertussasoq, ukiumi piffissap naalaani maani nunaqarfimmi suliffissaaleqisoqarpoq. Aatsitassarsiorfiup ammarnissaa neriuutigaara.

Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:

Inuit aatsitassarsiorfimmi sulinissamik kissaateqartut piareersarnissaat pingaartuuvoq. Aappaagu aatsitassarsiorfimmi sulisartuulersussat piareersarniarlugit pikkorissartitsinerit neqeroorutigineqassapput. Tamanna pilersarusiorneqarpoq. Aatsitassarsiorfimmi sunik atorfeqartitsinissamut allattugaammik ingerlatseqatigiiffik suli tunniussaqaqqanngilaq. Allattugaatit piareerpata kommuni qanimut suleqatigalugu naalackersuisoqarfiup pikkorissartitsinerit pilersarusiussavai, taamaalillutik kommunimi illoqarfiit nunaqarfiillu, sumiiffiillu allat sulisartunik pilersuisinnaassammata. Pilersaarut taanna saqqummiunneqarumaarpoq.

Pinngortitamut, Avatangiisinut Inatsisinillu Atuutsitsinerimut Naalackersuisoq Mala Høy Kúko:

Aatsitassarsiornermik ingerlatseqatigiiffinni tamani aktianik pisinissamut periarfissaqarpoq. Kuultisiorfik ammarneqarmat aamma taamaappoq.

Hudson Resourcesimit Rune Keiler:

Hudson Resources tassaavoq aktiaatillit ingerlatseqatigiiffik, aktiallu ataasiakkaat tamarmik 44 centinik akeqarput. Oqariartorneq ajorpugut "Aktianik pisissaasi". Aktiallu pisarinissaannik inassuteqarsinnaanngilagut, aningaasanimmilinnu annaasaqarnissamut aarleqquteqarpoq. Tamanna Hudson Resourcesip peqataaffigerusunnngilaa. Tassaassaaq inuup nammineq aalajangiussaa. Aktianik ingerlatseqatigiiffittut oqarumasooqassaaq nammineq aktianik ingerlatseqatigiiffittut pigisaq pitsaanerpaasoq, aammali inuit aningaasanik annaasaqartut takusarsimavagut, taamaattumik uagut iliuuseqassanngilagut.

Gudmundur Severinsson:

Sarfannuani arlaat aatsitassarsiorfimmi sulinissaq soqutigigunikkut, taava qanoq iliussappat?

Inuussutissarsiornermut, Suliffeqarnermut, Niuernermut Nunanullu Allanut Tunngasunut Naalackersuisoq Vittus Qujaukitsoq:

Siusinnerusukkut oqaatigisakka innersuutigiinnassavakka. Paasinnittoqareerpat, aammalu sorlernik piginnaaffeqarfilitut atorfiit sorliit pisariaqartinneqarnersut annikitsortalersorlugu nassuiaataasoq takkuteerpat aatsaat pikkorissartitsinernik piukkussaanernillu pilersarusiorneq aallartissinnaalissavarput. Tamanna kommune, Aatsitassalerinermik Ilinniarfik aamma Piareersarfiit suleqatigalugit pissaaq. Piareersaaneq siunissami qaninnerpaami pissaaq.

Gudmundur Severinsson:

**Qaqortorsuarmi Anorthositeqarfimmik atuinissamik akuersissut pillugu
Hudson Resourcesip qinnuteqaataanut tunngatillugu ulluni 8.-10. maj
2015-imi Qeqqata Kommuniiani innuttaasut ataatsimiisinnerinit apeqqutit
akissutillu**

Maannakkut inuit maskiinanik ingerlatsisutut, kantiinami sulisutut il.il. ilinniartinnissaat
aallartissavarput.